

司馬文正公集



830909

石柏山房詩存卷之二 童真故事



于京集 卷之二 童真故事 太湖趙文楷著

于京集 卷之二 童真故事

良餘 早行人

客枕尚殘夢 征車催早行 寒雲留雪色 荒戍少雞聲 足繭難為疾 名繻視欲輕 長途復泥濘 艱苦歎吾生

石柏山房詩存

卷二

一

晚宿大樹街

晚宿大樹街

往事依稀憶未真 重來已是七年春 蕭條大樹今猶在 不見斜柯倚眇人

于京 謁包孝肅公祠

千載稱清介 如公得幾多 此心如白日 一笑比黃河 遺廟依城闕 停車問薜蘿 兒童真好事 相競說閻羅



蔓草蓬蓬白露生
淮西郵館舊知名
春來隄上無多柳
都被平康折送行

登徐州城

遠道勞行役
驅車歷古城
河流當楚闕
山勢到吳平
歲月催人至
艱難媿我生
不堪鄉思苦
風雨暮來聲

石柏山房詩存

卷二

二

渡黃河

河廣曾聞一葦杭
中流倚醉聽鳴榔
山爭濁浪雲陰黑
風卷平沙日色黃
城闕低藏隄側畔
人家回望水中央
竭來此地鄰山左
郤道江南是故鄉

淮北年年怨汗漫
宸游曾此費周觀
河源聞說從天降
人力由來自古難
九道北流猶曲勢
一泓東注便狂瀾
蛟

涎魚沫沈寃在欲酌寒漿不忍餐

題道旁石

一片雲根拔地生色如青鐵竅如罍可憐憔悴風塵裏竟
使如拳浪得名

荆山橋長句

荆山橋長如虹勢搏雲氣愁蛟龍橫互四百八十丈頽然

石柏山房詩存

卷二

三

偃卧彭城東微湖西來萬頃瀉當中直走黃河通忽然遭
此百孔束縱有絕力難爲免竭來二月雨半霽山色黯澹
無春容憑欄直視目欲眩人影倒立空明中遠波粼粼勢
忽動豁達萬里來長風古人題柱吾何有茲游奇絕頗足
雄橋東有亭足憇息萬竹俯蔭環蒼松時和屢邀

清蹕駐絢爛

宸翰疑天工我願嶧山之湖永不溢原田

禾麥青青何時載酒復來此山靈與約春花紅人生往
復那得定此橋萬古橫晴空荆山橋長如虹
吳興一謁滕文公祠水滸寒烟蘊蘊寒玉夢中軍志浴池
齊楚今何在公猶賸此祠荒垣依古木春草暮殘碑積弱
憂危切行仁惠澤垂煦煦舊原隰猶見井田規

因靈地夜行至新店宿

石柏山房詩存

卷二

四

但覺敝裘溼不知霜氣侵此行勞跋涉何處卜升沈老樹
疑人影荒雞亂客心前邨好投宿燈火出深林

齊禁今雨後過趙北口

長隄一帶柳參參遠水柔波映蔚藍家在夢中渾忘卻斷
橋煙雨似江南

七夕同報輝散對來此山靈與許春其瑞人坐

長安城上月如鉤
街鼓寥寥起暮愁
回首竟成千里別
驚心又是一年秋
西風白草時聞雁
落日黃雲獨倚樓
爲語客懷惆悵甚
休將今夕說牽牛

拋枕難將倦眼開
攬衣庭際且徘徊
旁人莫怪醒時晚
曾到家山一度來

石柏山房詩存

卷二

五

夜

候蟲寒雁兩淒然
月落庭空欲曙天
急柝聲聲催夜短
孤燈寂寂照人眠
夢隨落葉無邊去
心似游絲到處牽
回首浮生真一笑
常將辛苦過年年

初度日西風白草朝聞凱
黃雲獨倚對漁

無端驅遣帝城來
心事從今未肯灰
故國久荒揚子宅
感

時誰是賈生才年來作客留鴻迹歲晚懷人託鳩媒獨把
一尊容易醉西風黃葉滿蒼苔

蘇風韻和帥二仙洲秋夜聞蟋蟀原韻四首

蟋蟀甚微細秋來能自鳴挾風催短夢號月趁殘更有

商音在能令嬾婦驚慙予啞鐘似叩擊一無聲

不解離愁苦深宵吡吡鳴幾人添白髮此際聽寒更久客

石柈山房詩存

卷二

六

已多感哀音良可驚寂寥孤枕畔猶作故鄉聲
尚憶兒童戲常憐此物鳴篝燈尋四壁冒露立三更老大
知無益年華暗自驚如何今夜裏不似昔年聲
秋風敗庭綠知爾不平鳴似有衰遲歎難忘歲月更王孫
不歸去客子易爲驚朱闌笙歌地何緣聽此聲

和天門蔣晴峯先生雪洞原韻

雪洞蔣書室名

暑雪冷然入醉鄉南薰解作北窗涼幽人寓物每如此清
夜賦詩殊未央天與湖山留小築地分吳楚各殊方何時
剡水扁舟去會說長生付漫郎

落葉和帥二仙洲韻

平林無那曉霜催半入寒漪半覆苔搖落可堪千里共漉
清時有萬聲來蕭蕭牧馬聲初動點點棲鴉晚未回最是

石柏山房詩存

卷二

七

離人禁不得西風殘照立徘徊

平林無余滯迹都門經一載矣歲寒孤館風雪蕭然懷友

思鄉一時亟集平生所謂知己者皆有尺素遠

及欲裁書以荅而嬾不能作也因各爲一詩卻

寄

古寺僧寮伴此身十年作客尙衣鴉不歸非爲無家別未

窮年兀兀意何如，別後相思爾與余。
燕市無人同醉卧，楚山有客悵離居。
從來造物多深意，自古才人得謗書。
莫效兒童論枯菹，我生寧合老樵漁。

右黃小癡

少小相從影伴形，未酬知己轉飄零。
偶然拂意須臾忘，不肯甘言取次聽。
二十年來頭欲白，兩三人外眼難青。
貧交

石柏山房詩存

卷二

九

歷歷何堪數，屈指君家在一庭。

右梅振玉昴季

方壺圓嶠近天關，輸與罡風輒引還。
心事懸知離碧海，生

涯寧許任青山

和叔南北闡
累薦而不售

能無新句酬妝閣，定有佳兒

探玉環爲報故人憔悴甚，幾時尊酒一開顏。

右黃和叔

三千里外路漫漫欲寄相思迫歲寒
媿我有家勞目斷
君無事檢書看
秋花蟋蟀魂應共

東坡夢子由詠詩
云蟋蟀悲秋菊

春草

池塘夢未殘
珍重短衣雙袖上
別時曾染淚
闌干

右俊心弟

棲息何緣共一枝
嗟君濩落不逢時
阮家難得諸郎富
王
氏無如阿叔癡
江海水深鳧脰短
關河風急雁書遲
吳雲

石柏山房詩存

卷二

十

朔雪相思意獨有
淒涼一紙詩

右克齋姪卽次來詩原韻

寄家書

高堂漠漠雙垂鬢
弱弟恫恫五尺身
每恨晨昏常寂寞
更
憐兒女共清貧
涼風朔雪三千里
破屋頽垣四五人
迢遞
關山勞極目不堪重憶一露巾

有車一茗椀始癸卯迄己酉凡余行役椀必隨之至京
師遭損注以水則涓涓溼几案矣勢不可用念
其相從者久不忍棄捐命僮瘞之因繫以詩

本自泥塗質宛然金玉形乳花浮水白雷莢入泉清淪齒
詩垂就沾脣醉未醒七年勞爾伴蹤跡尙浮萍

成毀何須論擎持只自憐隙開潛注水痕見直如絃乍失

石柏山房詩存

卷二

十一

燈檠伴還將筆塚連平生幾兩屐爲爾一潛然

都門禱詩

香風緩逐寶車來雪色玻瓈四扇開女伴相逢時借問陶
然亭上看花回

四月東風冷未勝纔看新綠一層層黃花魚過端陽近蚤
有棚車喚賣冰

衣香人語去遙遙
貪看秦宮百媚嬌
怪煞青驄嘶不斷
管絃聲已在天橋
十三織手弄鉛黃
十五梳頭倩阿娘
聞說掖庭挑繡女
背人深夜學宮妝
郎家住在南柳巷
妾家住在西河沿
柳花河上莫飛過
記取門前泊釣船

石柏山房詩存

卷二

三

深宵打鼓月輪斜
倦舞腰肢倚琵琶
笑指玉盤風味好
南人渾不識烏他

煤爐添火瀹新茶
土炕朝晴映日華
恠底夜來綿被冷
膽瓶凍折蠟梅花

朔風吹裂敝貂裘
十丈紅塵沒馬頭
他日江南忘不得
一

尊清酒唱梁州

正月七日
青蒲細柳一時新紫陌朱門各令辰不分蹇驢常避路劇
憐席帽穩隨身天涯人日梅花酒夢裡江南水國春却恐
壯懷牢落盡素衣容易變緇塵

素月未出天漠漠萬道驚看衆星落飛芒烈燄環雷車電

石柏山房詩存

卷二

三

掣金虵走幽壑兀然塵表豎兩柱絲繩疑是秋千索中懸
橐籥長垂垂行者喧趨立者愕火光半歇響亦靜仰視空
中啟局鑰眼前端現一林亭儼有叢花間繁萼山樓紅綻
荔子丹驚禽駭獸紛相錯虛無指點武陵源幽棲忽變凌
烟閣我冠博帶識真褚長鎗大劍褒與鄂回眸轉瞬百不
同時見仙人乘黃鶴坐者何人燦纓絡亦有杖藜赤雙腳

須臾幻化空溟濛天街料峭嚴城郭坐思人世亦如此古
來萬事皆寂寞浮雲變滅隨春風富貴榮華難久託吾生
於世亦寄耳胡乃曲蟠甘尺蠖歸來薄醉不成寐卧聽城
南擊清柝

續命篇

潯陽郭烈婦夫病自經死冀以代夫而夫卒死

石柏山房詩存

卷二

古

爲作是篇

與死夫死後寧死夫死前夫生妾不朽夫死試黃泉

解一

願爲續命絲絲弱何足惜含笑在冥途不作望夫石

解二

手持雪色巾作書與郎別當時錦字機今朝成碧血

解三

君命泰山重妾心江水深鴛鴦共連理同穴非妾心

解四

啾啾夜唳鳥槭槭青楓樹多少估客船聞此不忍渡

解五

寄語世間人，委計亦良愚。愚者誠已矣，智者當何如。

六解

雨霽

隱隱輕雷作遠聲，稍稍涼雨過高城。已教院落收煩暑，更

與園林放晚晴。紅日半含孤岫沒，黑雲時漏一星明。呼僮

為拂黃籥笛，今夜還家夢欲成。

送表兄潘築巖下第南歸

石柏山房詩存

卷二

五

驪駒在門，僕夫駕南風。雨雹如掌大，

以大字入禡韻本淮南子

征人東

去不可留，執手淒涼淚交下。二載京華飽塵土，兩度上書

今報罷。雖然不入承明廬，作計歸田聊慰藉。嗟余與子左

右手，追歡逐笑無休暇。長安城中多貴人，不願相通閉關

謝得路。惟瞻馬首塵相逢，誰與牛心炙盤遊。飯椀骨董羹

嗜者甘之如啖蔗，我欲強為知不可。縱有富貴遭嗤罵，槐

花黃時舉子忙我獨淹留復過夏江東無田不得歸此心
未肯忘耕稼勸君勤種二頃田春夏讀書冬獵射門前剝
啄誰問竒高論如泉百斛瀉送君歸去南陽村高館張燈
惜清夜人生離合那復常過眼烟雲倏變化東方欲明衆
星稀慈烏城頭聲啞啞因君寄語白髮親得閒吾欲歸子
舍秋風藜藿亦可嘗卧穩如山不驚怕歸途莫惜勤寄書
石柏山房詩存

卷二

六

爲向淮南問米價

送帥大浣溪

承瀛

帥二仙洲

承瀛

石二鏡湖

然歸

黃梅

送君歸去楚山阿欲繫驪駒奈晚何立馬萬峯看泰岱驅
車五月渡潛沲人逢北雁踟躕久路出東都感慨多我欲
抽鞭別茲土秋風涼雨白沙河

重送帥二仙洲

朔鴈逢人盡炎風撲面多送君南上去五月渡黃河鳥集
摩燕闕蘭香入楚歌我留無藉在相向意如何

二載東都客臨歧涕淚傾關山驅馬去風雨聽雞鳴折柳
情何極彈碁局不平願隨天上月夜夜照君行

都門送客

石柏山房詩存

卷二

七

柳條如帶繫征驂彰義門前晉濟庵忘却天涯歸未得年
年送客到江南

蝮

南蟲毒頭北蟲尾政有名同形不似舊聞蠶尾今得之試
語南人不解此尾如蜻蜓首如蟹小者色青大者紫可憐
辛螫時逢人宛轉呼號強欲死坐思天公本仁愛此物無

乃累生理亦知戾氣不可回虎豹虺蛇一例爾長安五月
早太甚雷隱隱兮雲瀾瀾土牀汗漬不可揮中夜狂呼三
四起乍聞四壁風吹沙取火來照駭不已撐螯掉尾何厖
然詰曲盤珊上窗紙翻笑古人太竒特照壁胡爲見之喜
卽今苦憶南土樂誅茅松下臨溪水比窗高卧穩如山埽
地焚香淨竹几卻行紆行兩不見惟有春駒來夢裡秋山

石柏山房詩存

卷二

六

如畫秋風生楚樹吳雲吾往矣閒時更買五毒圖歸向南

窗注蟲豸

京師畫龍虎蛇蠍
蜈蚣爲五毒圖

鳳仙花

鬪白爭紅也自妍聞名端覺使人憐不全爪嘴休言鳳本
出泥塗亦號仙瓦缶竹籬秋露裏哀蛩寒蝶晚風前近來

識得珍珠價賣向長安值一錢

鳳仙一名旱珍珠
京中賣者甚賤

白吟

白比蜉蝣羽形同蠖螻羣飛空難覓影沾草已如墳薄血
甯能厭微聲定不聞比來經見爾無復畏飢蟲

送友人南歸

飄飄天地一沙鷗莫向朱門揖貴侯晚歲短衣隨射虎春
田細草看驅牛誰言東海無疆木須信西山有弱流拚取

石柏山房詩存

卷二

九

如泉百壺酒與君高醉故山秋

水鏡

謂汝能爲鑑斯言亦我欺不堪施冶鑄無復辨鬚眉皎日
適未出炎風經幾吹都因秦鏡失徒使夏蟲疑

麪桃

適有形模似何曾色味全麥多收十斛果不俟千年祇可

欺童稚居然列几筵座中湯餅會持汝伴腥羶

題扁舟坐釣圖

江南最好是初秋紅蓼灘頭白鷺洲正有夢魂勞遠道忽
看圖畫當神遊東將入海隨烟霧西欲乘槎問斗牛去去
不須更惆悵長風萬里一扁舟

留別王梓堂

石柏山房詩存

卷二

三

蘭臭同心雨不分連牀風雨共論文從知下筆傾三峽已
許蜚聲在五雲蘊藉定須推范岫淒涼何用惜劉蕢清時
最好馳名譽報答君恩祇慎勤

夜夜歸心對月明關山千里夢魂驚每逢菹熟思鱸膾厭
向桑乾聽雁聲遠道可能忘舊雨薄田從此試春耕重來
已是經年別恐有蕭蕭白髮生

早渡楊子江

客久難爲睡歸舟不肯閑
怒濤喧鍊甕曉霧失金山
野樹多歌岸人家半掩關
回看瓜步小烟水渺茫間

舟次陽羨謁座主涇陽王公感恩述懷二律

花城何幸得躡躑自喜因
依藉大賢知己敢云空
冀北綴名深愧在盧前
三年夢繞吳江水千里
魂迷郢樹烟試向

石柏山房詩存

卷二

廿

嶧桐頻領取海波聲裡見成連

時將有楚北之行

方壺圓嶠計全迂
兩度春風滯薊都
紺髮恐隨心事改
青衫難說淚痕無
鈞天有夢重聞樂
滄海何人更覓珠
欲報師恩今未得
將離還爲立踟蹰

舟至丹陽縣

一葉扁舟兩岸蒲
微波渺渺泛平湖
前途已見丹陽塔
細

雨輕烟儼畫圖

舟夜

寒蛩無語岸霜重叢葦有聲山雨微夜半月明朝欲至艫
聲驚起鷺鷥飛

京口權歌

瓜皮艇子小如杯蘭漿輕搖莫更催聞說前頭官闡淺相

石柏山房詩存

卷二

七

將齊待晚潮來

臘月廿日

紫闕丹霄夢已虛歸來暫得賦閒居不慙敝絮緣冬暖免
與寒燈共歲除親滌偏提儲薄酒自開屏擋拾殘書卽今
更向詩魔約與汝周旋慎不疎

送竈

風馬雲車護彩旛送君安穩上天門自慙藜藿經年食休
厭兒童盡日喧墮餽從人甯復顧勞薪似我更何言天公
若許陳前席臣胡方飢要細論

廿五日

殘臘暄和風日妍今宵忽作小寒天厭聽爆竹驚山鬼自
起篝燈護水仙身在故園疑夢寐年來浪迹似雲烟可憐

石柏山房詩存

卷二

三

歲暮長爲客珍重屠蘇次第傳

石柏山房詩存卷之二

石柏山房詩存卷之三

太湖趙文楷著

楚游草

漢陽懷古

江流東注大軍山
漢上孤城扼楚關
三國舊愁春浪碧
千年遺壘夕陽殷
樵歌牧唱劉琦墓
沙鳥風帆魯肅灣
我欲

石柏山房詩存

卷三

一

招魂憑楚些夜深疑有鬼
雄還

閣夜

小閣春寒襲布袍
坐聽城闕漏聲高
星河半落低春樹
江漢雙流撼夜濤
誰遣夢魂來此夕
天教離別老吾曹
燈前起舞重搔首
欲向糟邱覓二豪

月

一鈎初細細半壁漸娟娟看汝今宵滿照人隨處圓鄉關
渺江北道路逐河孺迴憶闈中月清輝又一年

旅夜

烟霧如夢中客魂不易曉野濶衆星低天寒孤月小顧盼
村火稀恐懼行人少勞生此奚爲仰愧安巢鳥

黃鶴樓

石柏山房詩存

卷三

二

天遣危樓鎮此關下臨無地渺人寰簾前江漢南條水眼
底烟雲大別山題句已成千古絕倚闌聊得一身閒故園
東望無多路願託仙人鶴背還

晴川閣

大別山前漢江水水邊高閣倚晴川隔江黃鶴招不得入
眼浮雲亦偶然柏樹已隨神禹去桃花猶與美人傳欲尋

鐵鎖橫江處惟有斜陽慘暮烟

漢陽寒食

漢陽城上雨濛濛鸚鵡洲前草木風一別故園空老大十年寒食歷西東無情濁酒難成醉不分天桃也自紅自恨不如雙燕子春來猶繞舊花叢

野望

石柏山房詩存

卷三

三

日暮登高原衰柳細如髮烏盤城上烟鴈宿沙邊雪時節已崢嶸關河仍阻絕悲風從北來寒空動孤月

晚上鳳山亭子

一徑藉危石小亭當翠微亂鴉爭屋角荒草幕人衣江漢合清影川原留夕暉吾生飄泊甚愁絕故山薇

漢陽寄內

郎官湖畔依依柳垂盡長條復短條飛絮飛花春漠漠微
風微雨晝蕭蕭客心一夜添華髮江水無情動畫橈聞說
潯陽潮不上雙魚何自到溪橋

伯牙臺

朝出鳳山門步上大別尾中有伯牙臺宛在水中吐澄潭
倒相映樓閣鬱金紫夕陽亂鳧鷖春雲靄蘭芷昔者伯牙
石柏山房詩在

卷三

四

氏結交鍾期子一撫絲桐音心契無彼此子期既下世碎
琴不復理女爲悅已容士爲知己死有客抱朱絃泠泠出
十指借問此何名云是朝飛雉時俗重箏琶誰能辨宮徵
知音苟不存已矣東流水

咏竹兜子

縛竹乘輕捷垂繩坐敞閒未堪禦風雨猶得看雲山細靜

水邊路透迤巖際關時逢沽酒店小憇竹籬間

暮春懷歸

又是一春盡愁來不可芟少年凋綠鬢客路老青衫夜雨
燈前淚西風江上帆故山歸去好深雪荷長鑱

別後却寄

我友亦已遠我顏有餘悽野烟生暮色日入西山西沙石

石柏山房詩存

卷三

五

滿路側觸碍當輪蹄簸頓腰脚頑反側聲酸嘶憶昔湖上
舟輕颺如鳧鷖水波平如掌几席安我棲奈何飢凍迫久
令夙願睽寄言京華客磊磊終相携

春洲曲

春洲水生菰芽短水禽緩逐烟波暖綠楊垂垂泥殺人萬
縷千絲青不斷江水閣舟江不流青山送我何悠悠可憐

昨夜夢魂險飛過青山欲盡頭

途

中作

山風吹野花片片拂溪水沙淺苔髮見石亂烟痕起曉寒
襲衣薄行役自茲始隔隴布穀叫田夫競舉趾水車霧氣
中秧馬歌聲裡人生本苦趣斯言良乃是

石柏山房詩存

卷三

六

殘夢繞天涯萬里不得住馬嘶曉渡寒夢隨流水去露氣
沁人骨雞鳴天欲曙仰視衆星低落月在高樹

吳閩游草

山風如乙卯夏五有閩中之行言懷魚別都中諸友

十丈紅塵起馬前來時冰雪去炎天行人莫漫重回首一

夢春明已七年

吳越山川繫夢思
八閩那便在天涯
此行第一關心事
柳葉陰中擘荔支

半爲飢驅半浪游
依人王粲賦登樓
多情猶有青青柳
直送行人到涿州

東林黨盡共書空
西市人空鬻血薄
莫向白髮慈親尙倚門
劇憐游子廢晨昏
不知更作南天客
猶向漁陽寄夢魂

石柏山房詩存

卷三

七

河間府

肅甯地脈出河間
勝國曾聞產巨奸
張讓豈能容孟博
豎刁猶足困齊桓
東林黨盡丹書在
西市人空碧血乾
莫向蒲縈臺上望
德陵山色不勝寒

至泰安府擬登岱縱覽諸勝旋以匆促命駕未暢

游興悵然有作

岱宗東踞鬱峩漢牒秦碑鎖寂寥萬壑煙雲終古在五
更風雨百靈朝傳聞日觀臨滄海更有天門達絳霄面上
黃塵猶十斛那能容我借扶搖

舟次揚州

五兩風帆落照前碧菱新藕嫩涼天綠楊城郭渾如昨小
別揚州已二年

石柏山房詩存

卷三

八

十里珠簾廿四橋繁華事散客魂銷多情最是隋隄柳絆
盡行人萬萬條

揚州別友人

昨夜尊前笑我狂春風檀板按伊涼白鷗浩蕩一身遠黃
鶴徘徊雙影長江令筆毫生彩色六郎袍袖帶幽香從今
獨向閩南去萬里何人共此觴

前意未盡又得一律

昨夜揚州月流光照綠蘿風前憐酒滿舞處見花多燈火
迷春院樓臺壓曙河殷勤江上路惆悵竹西歌

穆川觀察見前涿州詩走筆次和至吳門復疊前

韻四首

此地經過十載前畫船簫鼓暮春天重來已是斑斑鬢誰

石柏山房詩存

卷三

九

識腰裙舊少年

吳娃粧罷坐凝思素面盈盈對水涯何似金臺新結束黃
塵臉上漬燕支

平生五岳不曾遊督眼金焦等蜃樓孤負江南好風景一

帆烟雨去蘇州

扁舟一夜泊胥門虎阜遙遙倦眼昏惆悵真娘墳上土難

邀椒雨酌芳魂

大雨不果遊西湖却從淨慈寺取道至錢塘江上
平生壯志凌滄溟南遊西湖東洞庭二年漢水嗟阻滯有
眼未睹君山青扁舟一夜過吳越吳山越山空兀兀可憐
玉事有程期愧我無官亦倉卒杭州城南隔江水喜見西
湖比西子政使匆匆督眼過也應一度窺簪履劇嫌南風

石柏山房詩存

卷三

十

苦作惡半空飛雨如珠落衝泥獨上鳳凰山苦霧濛濛羃
城郭却從湖尾望空明重簾翠箔圍娉婷嬌羞鄭重嬾回
顧誰道西施不世情南屏山前雷峯塔十里荷風晚颯颯
三更深黑入江船江上潮聲響鞞鞞嶽雲不阻韓公意海
市爭迎蘇子至舉頭咄咄書長空已有繁星墜如穗寄語
湖邊老辨才他年有約我重來南高峯雲比高雨

出楊庶
夫語

暫作元都夢一回

錢塘舟中夜起

暑氣侵人聚蚋雷推篷且得倦眸開浙東燈影連雲沒海
上潮聲捲地來客路關河空歲月故園松菊任蒿萊吾生
竟作依人計慙愧翩翩書記才

杭州

石柏山房詩存

卷三

七

海上蓬萊境何年此地來山餘西子態江繞越王臺地勢
東南坼潮聲日夜哀匆匆過好景疑是夢初回

孤山

墓對葛仙領亭開西子湖梅花數株老烟雨一山孤跡魚
高人遠名將處士俱不知明月夜曾有鶴歸無

飛來峯

娟妙碧峯色幽情生紫煙綠苔巖際佛青靄洞中天古木
欹危石疏鐘瀉冷泉何年滄海上飛到寺門前

拜岳鄂王墓

肅肅墓前柏英風吹到今世皆讎檜高吾獨痛徽欽宋室
無生氣將軍有死心忠魂招不得千載水泠泠

韜光

石柏山房詩存

卷三

三

石路盤青冥竹風吹險絕清冷澗下泉寂歷林端雪絕頂
得韜光衆峯此羅列迴眺西湖外江流見清浙緬想古仙
人長嘯空山裂

曉渡錢塘江

漠漠錢塘水揚舲趁曉風海魚吹浪白汀雁入霞紅客夢
猶江左扁舟已浙東不須重回首蹤跡任飄蓬

晚泊富陽縣

長風習習送蒲帆，入眼江山總不凡。
落日樓臺收晚翠，亂流城郭映空嵌。
壚傍醉客何如阮，石上漁翁可姓嚴。
富陽有嚴

陵瀨羨煞無心雙燕子，穿花掠水語喃喃。

泊建德縣

微波渺渺候涼颺，纔過嚴陵一水涯。
亂石痕留春漲在，遠

石柏山房詩存

卷三

三

山峯似夏雲，奇後來誰抱。先憂志，此日猶傳異代思。
范文正曾

守此郡至今有思范亭，欲上玉泉臺上望，暮烟深處夕陽邊。

蘭溪縣

聞說蘭溪水，清流勝若耶。晚涼浮鷺羽，晴翠落松花。
野石好垂釣，陰巖宜擷茶。到來幽意愜，吾似欲移家。

宿仙霞關僧寺用壁間周櫟園先生韻

古寺高環厯亂峯到來面面看芙蓉巖懸石瀑流終古寺
轉松陰日下春水閣嶽奇稱杰構詩牌零落記前蹤坐談
却畏三更露自笑年來體漸慵

探奇那得畏長途仄徑還宜竹杖扶關扼東西分浙粵溪
流日夜下甌吳尊前人語山相答樓下雲來地忽無贏得
今宵安穩卧坐看松月一輪孤

石柏山房詩存

卷三

古

閩山漠漠插天長尙憶公孫勢最張百丈鯨鯢蟠島嶼十
年朝貢失珠香 朝廷指顧收三叛總制沉雄鎮一方耿精
忠據閩叛總制李文襄公 眼底興亡真泡影輸將漁父詠
持重守仙霞關者十餘年

滄浪

禪榻清風曲曲通佛燈明似日曺曺客愁畏向猿啼裡鄉
夢還飛鳥道中每遇登臨頻有慨自懷鉛槧未能工匆匆

更別山靈去留取新詩當雪鴻

重宿黃田驛有懷

寂寞黃田驛天寒事遠征溪山雙屐健風雨一燈明憶昔
曾經過郵傳愧送迎重來吾獨往誰共說離情
僕僕年來慣凭欄興轉幽灘聲常繞榻樹影恰當頭客夢
同蕉鹿行踪愧磨牛浮屠桑下宿斯意為遲留

石柏山房詩存

卷三

五

重度仙霞關

半載仙霞歷往還春風隨我出閩關身離瘴雨蠻烟外夢
繞吳山越水間客路猿啼添鬢雪故園鴈至望刀環勞生
久已忘夸險越嶺踰溪若等閒
八閩風土事多奇踏遍芒鞋始得知最好山光嫌空積難
通人語雜侏離瓦盆豈合栽蘭葉青子何堪伴荔支笑煞

蠻娘雙赤足吳儂不解說相思
海上年來戰血多鯨鯢種類費搜羅
治功誰奏黃丞相勳業終歸馬伏波
下瀨樓船憂未足防秋烽火近如何
芟奄恐有吞舟漏莫信區區養太和

閩民生事劇堪憐山海瀰漫更少田
浙舫不來虛白粲洋船阻絕缺花邊
斬鯨遼海雖多策買犢南陽在任賢
見說

石柏山房詩存

卷三

六

蠲除頻有詔大官那復酌貪泉

見綠梅

兼旬風雨度仙霞喜見江南萼綠華
飄泊何須更惆悵故園春色亦天涯

過江山縣

飽看山色愛漣漪屐齒舐唇總不辭
蘆鳥船來波拍拍竹

雞聲斷雨絲絲客心貪路詢人數春色因寒看意遲此地
經過如夢寐江山猶是舊來時

過衢州府

斗轉星回歲又終天涯羈客任飄蓬黑貂未染南天雪錦
字虛傳北至鴻下瀨船如秋葉墜還家夢逐曉雲空可憐
暮雨瀟瀟夜獨坐孤燈宿短篷

石柏山房詩存

卷三

七

宿樟樹潭

白板門前泊釣船碧油滑笏著輕烟沙堤十里濛濛雨恰
似江南二月天

夾岸梅花映水濱白茫茫間碧粼粼分明一夜漫天雪化
作江南萬樹春

石柏山房詩存卷之三

石柏山房詩存卷之四

遄征集

太湖趙文楷著

余以嘉慶四年九月蒙

恩給暫假省親出都卽病

困臥車中未嘗爲一詩也抵家匝月又以假滿匆遽

入都北風吹面雨雪載途所攜僮僕隸數輩旅舍無

石柏山房詩存

卷四

一

可與語者非寄情吟咏何以遣懷計得詩六十餘首

聊以息勞筋消旅思工拙蓋不計云

途中遣懷

歲暮 王程廼匆匆來復還澗邊枯樹雪雲外夕陽山舊

轍今猶在勞薪苦未閒榻前孤燭影尊酒破愁顏

過投子寺

昔聞投子寺，鹿苑舊知名。咫尺不能見，塵勞愧此生。夕陽千樹冷，殘雪四山明。漠漠桐溪過，從茲事遠征。

過舒城

漢史傳循吏，文翁治最良。近隣朱邑墓，遺愛在桐鄉。欲訪梅仙洞，藤蘿日已曛。仙人不可見，青山空白雲。

文翁莊

石柏山房詩存

卷四

二

北風起大澤，哀鴻求其曹。我行未云已，霜露濕征袍。亭午過舒城，懷古心忉忉。漢廷吏治重要惟，撫字勞民生本自。遂為政幸無撓功，績豈在異名譽。徒為高啓者，不入池靜鱗。寂無囂獵師，不在山恬翼。紛翔翺西蜀，方用師亭障。羅弓刀芸芸亦我類，豈樂爭逋逃。聖澤積云厚，誰為屯其膏。得非符竹吏，誅求析秋毫。我過文翁莊，尊酒陳溪毛。安

能令公起坐使回滔滔

大霧

嚴冬陽氣感夜卧坦不冷
蚤虫攪清夢更漏何耿耿
晨起

登前途遥望時引領初日出
如盤蒼翠四山靜須臾天地

易冥冥失前境鳴雞餐不聞
老樹欹無影金斗迷高墉浮

槎山名暗孤嶺坡陀遞高下有
如波萬頃我心恠且悸欲

石柏山房詩存

卷四

三

去不能騁冬霧占欲雪愁絕
寒風猛戀闕日維勞貪程

夜自警且盡手中觴無為憂
怲怲

宿張橋喜晴

昨夜漫漫畏北風濕雲濃霧
幕遙空正愁朔雪連郊暗却

報新晴入檻紅行脚免教泥
滑滑舉頭惟愛日瞳瞳天公

作意真難測課雨占晴總未工

虞姬墓

在定遠縣

中分伯業已成塵一劍寧堪惜此身莫笑黃墟分塋玉厠

中瘖菟更何人

相傳靈壁塋其身定遠塋其首戚姬不從漢高死是不如虞姬處也

過定遠

舊日王侯氣似寔祇今荒草墓門扃憑誰閱盡興亡事惟

有淮山數點青

石柏山房詩存

卷四

四

過大洪山山盡黑石因取閒道至總舖故過此山
寒色澹空翠落日四山紫山徑曲如盤黝然石齒齒人行
石勢動有如涉黑水參差高下異宛轉波濤起又如公孫
宏東海牧羣豕長竿一揮斤奔突未能已僕夫貪捷徑間
道尋前軌車行格磔間推挽羣如蟻力盡不得上艱難誰
爾使逡巡覓村店疾驅不十里暝色已蒼然墟烟靜瀾瀾

舉杯息勞筋濁醪有至理

清淮樓 在臨淮

清淮樓下清淮水千古東南日夜流極目關河爭阨塞異
時豪傑闕山邱蕭蕭殘葉冬仍在耿耿疎星曉未收便著
征裘騎馬去五雲遙指是神州

過臨淮至卅里鋪宿

石柏山房詩存

卷四

五

寒雲烟樹莽無涯雲際青山面面排天與夕陽留古寺人
隨落葉渡清淮舊詩題壁尋猶在濁酒澆愁醉亦佳 北

闕尚遙家漸遠今宵何以慰情懷

村居

門臨溪水碧粼粼淡月寒煙一色勻犬吠竹籬燈火出夜
歸知是趁墟人

渡固鎮河

烏鵲羣飛天欲霜
晚風獵獵集帆樯
寒流倒影涵空碧
缺月和烟印淡黃
近市魚蝦容果腹
隔溪鳧雁自成行
匆匆閱盡江南景
明日黃塵污短裳

邨店遣懷

蒼然暝色暗遙山
茅店猶堪息病孱
莫笑打頭嫌小屋
且

石柏山房詩存

卷四

六

貪容滕破愁顏
玉堂瑣闥疑真幻
土銜泥尊若等閒
不是春官名偶望
此身原祇任田間

贈陳錦堂刺史

名洪緒

衝泥路滑雨冥冥
傾蓋如君得暫停
詩句自應塵外賞
頌聲已在洛中聽
人來麥秀驅車隴
風靜棠陰過客亭
別後相思定回首
白雲深處曉山青

陽城

宿州城南卽所謂惑陽城迷下蔡者也

一笑何須巧傾城不自知深宮多嫉妬應海畫蛾眉

雨後過苻離關

小雨初晴送曉寒衝泥未敢息征鞍淮山一帶青如洗暫與勞人倦眼看

拜閔子祠

石柏山房詩存

卷四

七

當世聞純孝皇然冀見之斯人稱至德千載起遐思汶上傳遺迹彭城拜古祠蘆花池水畔浙瀝晚風吹

小雨壓觀魚

黃河漫流退復急隄邊日暮漁師集密罾細網不肯遺小魚鱗鱗大魚立就中有物一丈長欲走不脫鱗甲張口吐餘沫氣垂盡雙眸漠漠昏無光人言蛟龍之種不可傷我

謂介類殊彘常不然胡爲困且僵爾胡不爲河伯訴安流
慎勿墮隄防我民幸得保廬舍爾亦窟宅深潛藏魚乎魚
乎勿自苦困辱泥塗皆爾取爾如神物自有神夜半飛空
致雷雨燕牙雙

宿州渡河決處

聞說黃河天上來天公不爲下民哀高原夜半移蛟窟平

石柏山房詩存

卷四

八

陸春深失雉媒人嘆爲魚經久困我猶騎馬更重回烟波
兩岸蒼蒼樹不忍臨流重溯洄

姪雷雨燕子樓

在徐州

紅粉成灰春復秋尙書功業亦山邱不因白傳留題在寂
寞當年燕子樓

重過徐州

城南爲汴
泗交流處

十月曾經戲馬臺，館人驚見客重回。
夜烏繞樹爭南去，候鴈隨人嚮北來。
恨別夢殘關月冷，過河風急暮雲開。
欲尋汴泗交流處，暝色蒼蒼下古苔。

徐州懷古

驅車重過古徐州，百感情深不自由。
兩界山河餘戰壘，千年城郭枕寒流。
歌風亭圯斜陽冷，戲馬臺空暮靄稠。
楚漢

石柏山房詩存

卷四

九

爭雄竟何往，滄波無際使人愁。

渡徐州黃河

河決上流此間竟無水矣

昔年此地招舟處，夾岸波濤氣勢雄。
豈料褰裳真可涉，爭教集葦竟無功。
河流已自平城郭，天意應將困沛豐。
萬頃污泥無洩處，金隄十仞枉穹窿。

雪

暝色烟光兩不分雪花撲面酒餘醺昏鴉覓樹寂無影冷

雁穿雲時一聞石壁斷文多燦燦葦牕清響忽紛紛

柳泉人家

俱砌石壁

關山歲暮艱辛徧欲寫離愁寄卯君

宿沙溝雪夜

風撼茅簷夢欲殘一痕燈影夜漫漫天涯雨雪懷人切歲

晚關山行路難秦蜀師興還裹甲東南河決尙狂瀾

璠

石柏山房詩存

卷四

十

樓玉宇高寒處只恐憂民卧未安

入山東界

落日墟烟直寒風雁影偏馬驚深澗雪人上古原田除夕

無多日明朝是少年江南重回首山翠入遙天

旅舍見蠟梅

淡烟踈雪見風姿殘臘園林此最宜一種芳魂消不得枉

教名號附南枝

蠟蕊檀心鬪媚妍旅人見此劇堪憐憑誰說與林和靖獨
愛梅花恐未然

滕文公祠

古樹參差鳥雀馴荒祠雖在日荆榛天心未肯容戡亂王
道何嘗不近人微弱依賢猶眷眷井田遺跡尙眇眇莫將

石柏山房詩存

卷四

十一

成敗論前事我欲從公拜下塵

兩界驛阻雪

北風吹車掀且簸堅冰疑髟不可唾雲陰雪色兩不分時
見飛鴻來一箇朱門此夕芳筵開急管清歌喧四座獸炭
炙地紅簾垂不怕雪花如掌大豈知老屋茅簷底有人垂
頭凍且餓我今行役畏寒逼衣裳苦被青泥浣夜深不惜

濁醪傾骨冷且貪重褥坐遙憶南陽老安仁新詩堆几無

與和

謂表兄
潘築巖

溪南梅花白於雪嫩蕊已向春前破回首關

山一千里撩人鄉思愁無那明朝天氣定開霽獨對寒燈

且高卧

拜孟子廟

戰國無夫子斯文久絕源功宜神禹並氣比泰山尊洙泗

石柏山房詩存

卷四

七

傳遺緒齊梁息過軒滌辭闢楊墨高論叱驩髡好辯誠難

已登車豈憚煩羣言息簧鼓吾道得籬藩廟祀春秋重祠

官俎豆存豐碑欽 列聖榮爵及仍孫柏幹依蒼角雲陰

護墓門震泉通道脉枯樹識靈根

雷震泉及鉄
樹皆在廟中

再拜瞻遺

像興懷立古原斜陽渡高閣殘雪掛崇垣仁義昭今昔義

娥歷曉昏七篇高且美衆喙莫輕論

過兗州

城樓曰南樓又名岳雲杜工部詩所云南樓縱目初者也

曉色明林表驅車過兗州殘烟泗水樹晴雪嶽雲樓故殿
基仍在高臺跡尙留長城荒草徑懷古興悠悠

渡汶水

泰岱落我後徂徠橫我前汶水清淺流白沙明且鮮遙看
遠林底素練鋪平川歷盡原上邨始識天邊煙迢然風景
石柏山房詩存

卷四

三

佳况資梨棗便何時結茅屋躬耕汶陽田

無鹽城

在東平州

汶上縣有文姜臺

汶水上文姜臺汶水下無鹽城湯湯東流日夜傾貞淫各
有千載名野烟漠漠生荒草行人老盡東平道如今憎愛
百不同亂頭粗服爭言好豈知無鹽傳在德妍媸自有真
顏色賢姜亦賦碩人詩豈必娥眉盡傾國君不見宮中短

黑賈南風能使銅駝卧荆棘

梁灝里

大書碑石照千春偶捷名場那足珍博得齊稱佳父子可
隣科目亦傳人

八十衰翁作狀頭梨園妝出儘風流渠儂遇合原非晚爭
與今人說不休

石柏山房詩存

卷四

古

數日冒雪而行兩人舁輿不能前進栖遲茅店感
歎而作

懷却牙牌走路塵茅簷高卧雪盈身干求不與吾儕事况
復袁安是散人

穀城山詠留侯

史所云黄石公處在東阿縣

載筆多言怪吾尤太史公素書原未有黄石竟何功佐漢

名臣業仇秦國士風穀城山下路日暮碧雲空

旅舍除夕

關河滿地多離恨風雪漫天阻客程祇有夢魂留不住江

南未了又春明

除夕感懷以四十明朝過爲韻得詩五首

時在東阿縣

伊昔未弱冠我父已我棄嗟哉陟岵人寒餓窮途淚閉門

石柏山房詩存

卷四

五

閱世態十頗得三四彈琴碧天高此志期勿墜

男兒未成名忽忽幾三十偶然捷秋賦驚雷啟冬蟄從此

志四方幕府容翔集鶴立傲王侯相見惟拱揖

家貧乞微祿四次來春明鏃翮豈無痛揣摩恨未成李蔡

本下中胡爲冠羣英再拜赴聞喜 恩重身亦輕

王事念將母 恩命孝治昭趨 朝不敢緩逼此風雪朝

含淚別慈親出門魂自銷思之不可見長夜何迢迢

人生強仕年如日亭午過恒恐白髮逼長此容高卧歲月

已云除寒燈對我坐起視天欲明一星如椀大

庚申元旦

憶昔趨朝聽五更雞鳴騎馬入承明千官珮響天風下三

殿雲開海日生此日那無羈客感相思應有故人情

謂都中諸

石柏山房詩存

卷四

六

友雪消河上峯青處遙指蒼蒼是玉京

宿荏平縣二十里舖

店甚偏仄
幾不容身

葦窻疎罅不禁風霜氣侵人卧似弓夜久忽聞冰柱折茅

簷西畔響丁東

宿高唐州

東北有鳴石山拊之聲甚清越晉田
宣隱此遇王中倫蓋周宣王時人也

霜氣罨空碧渺然新月高漠漠高唐城城下生蓬蒿昔者

綿駒氏善歌教其曹一唱百爭和意氣頗足豪奈何音響
寂絕調如風騷豈無邨伎謳聒耳何嘈嘈東北有高山其
石如琅璈拊之戛然鳴天風吹海濤中多仙隱人愛此常
遊翺欲往從之遊矯首空寒皋天寒迫行役有如鷹在條
倉皇覓村店熱火斟濁醪入口薄且劣聊以慰吾勞凍卧
不成寐荒雞向我號驅車涉寒冰流水聲滔滔長生不可

石柏山房詩存

卷四

七

學歲月如消膏仰天忽大笑世事輕鴻毛

過恩縣

戰國時爲平原君封邑西山在縣西

荒城寂寞空斜曛城邊松柏多古墳古人千載不可見至
今猶憶平原君驅車直向安陵路烏啄層冰鳥爭樹浮雲
盡處是西山漠漠寒烟起孤戍

恩縣苦水舖飲苦水

味鹹且苦不可入口作此謔之

碧甌擎出味難堪。有佳名信不慙。日飲清泉誰領畧。只
今方識是和甘。
滄海熬波苦且嚴。由來不與蜜爭甜。此中亦有和羹用。可
惜無人解作鹽。

過德州

江南過了又青齊。明日燕南路向西。誰信春光隨客到。衛

石柏山房詩存

卷四

六

河烟柳已萋萋

過景州

東風吹面作嚴寒。地入幽燕客思殫。一塔高擎天半壁。孤
城遠控路千盤。廣川臺上黃雲覆。細柳營邊白日殘。騎馬
幾經新歲月。紅塵衣袂不勝彈。

初六夜對月有感

前月以初七
起程入都

往時見月思依依此際相看意緒非却憶臘前今夜裏猶
煩慈母密縫衣

宿商家林宿店卽前卧病之所感歎作此

憶昨經過日愁繁病亦繁秋風孤榻冷涼雨一燈昏藥物

從醫惧扶持賴僕存微軀今幸在尊酒爲招魂

余前病此爲庸醫投

攻伐之劑幾至不起

石柏山房詩存

卷四

七

僕僕何曾慣勞生不自由風霜偕我老離別使人愁歸信
先梁燕行踪愧磨牛莫興金盡歎猶有黑貂裘

過河間府

蔓草斜陽路蕭蕭正朔風行人回首望愁絕日華宮

官在府城

獻王所築

僚從皆文學遺經細討論何如梁苑客只慣賦長門

委鬼何爲者山靈亦垢哉當年西市血流不到瀛臺

白溝河行寓題壁

白溝河上草蕭蕭野曠天低四望遙關隘從來爭上谷風
雲猶自憶前朝百年戰鬥分燕趙兩界山河判宋遼薄海
車書今一統戎樓春靜暮烟消

五代兵殘亦可吁跋戈未暇計偏隅邊關久失漁陽郡天

石柏山房詩存

卷四

三

府忘收督亢圖

白溝河卽督亢水下流

宿將猶存兵力感江南已

蜀都無如何祇禁人鼾睡一任跳梁在要途

將至都先呈都中諸友

鳳城翹首路透迤猶幸無違赴闕期九十日中疑醉夢

三千里外寄懷思梅花著意開偏早春色隨人到亦遲持

贈一無君莫笑探囊猶有紀程詩

十一日立春余亦以是日到京

十一日入都

去時秋盡又初春
鴻爪泥中跡又新
若見梅花應一笑
相逢已是隔年人

彈指年光冉冉徂
入都還復意踟蹰
君恩未許容閑住

又逐東風到海隅

石柏山房詩存

卷四

廿

石柏山房詩存卷之四

